

Pol ane kapia gitangi Pilimon

¹Ayeu Pol ebe gabweg kapual-lu (kalabus) ve Kilisi Yisu ane kulkul ane ok, be tis eitit and nunue Timoti eilu aro kapia etenik gitangi mie Pilimon, ebe tamb kulkul etenik gile dongke ok. ²Eilu amei kapia etenik gitangi luvungg-amei avie Apia givin, be tis Akipas ebe ges valir ve kulkul etenik ane givin amei ok weik etok ge. Be eilu aro kapia etenik gitangi amolmol bui ane ebe iro sut isov miam nam ok givin weik etok ge.

³Tamand Pomate gabu Amol Bamo Yisu Kilisi, atob inemb as tas viti be tis as yaun bwai-bwaya nilek niengk nivin yem.

Pilimon ane ta givin tis ane aplo givin

⁴Angg nune Pilimon, as mate walang ok ayeu gas miengk be tangg gitung mie gisov angg miengk aplo painge ge, be ganei angg tangg-vie gitangi angg Pomate ve mie ane gigas ta-ngge. ⁵Ve gisov ayeu gaute amolmol inei mie gob am aplom tepwengge gitangi Amol Bamo Yisu gile, be aplom givin ei gwangne molge. Be tam givin Pomate ane amolmol-gen anongge. ⁶Beti ayeu gas miengk ve ganei Pomate nilgum eitit and aplond givin ebe gidgin eitit tale tapil dongke ok, be nilgum mie be nutpweng gen vevies walang ete eitit tanggas tanggas nange Kilisi ok arkare. ⁷Angg nune, miam luev ebe gulgum ve tam givin amolmol bui ane ok, etok weik ebe mie giro eisir ta ok. Beti gilgum be ayeu tangg-vevie anongge be gavang tis aplongg vie-ngge.

Pol gipasang Onesimus ane yaun

⁸Dangetok beti ayeu gitangi atob nanei yaun gwangne nitangi mie ve Kilisi are ane be nanei mie nulgum gen dangeteik me dangetok ok. ⁹Bemem atob ayeu nalgum ite ma, ve gisov luev tand-givin it-ate ane ge beti atob ayeu nanei yaun avongg bwaya-gege nitangi mie. Bingano, ayeu ande ba-bamos gikwai, be galkik as mate etenik ayeu gabweg kapual-lu ve Kilisi Yisu ane kulkul ane givin weik etok ge. ¹⁰Beti ayeu ve nawel

Onesimus be nanei ei ane yaun lavo nitangi mie: Givin ebe ayey gabweg nangge kapual-lu ok, be ayey gabul ei ve Pomate ane mateu love ande aplo givin gwangne molge, be ande ayey gali ei ganei natungg roro. ¹¹ Be warik gimungg ane ei geb kulkul ve geb mie ru ite ma, bemem galkik as mate etenik ande ei gitangi ebe ve nemb tutlu idgabu ru ok.

¹² Be galkik atob ayey nahlin ei tis aplongg tepwengge be nitangi mie nilek. ¹³ Ayey tangg givin ve namb ei ta be nimbweg eteik nivin ayey, veik ei niwel mie be nemb ayey ru tis sawa ete ayey gabweg kapual-lu ve kulkul mateu ane ik. ¹⁴ Bemem ayey tangg gitung ve ganei atob nalgum gen dangetok ite ma, mie ate nunei kob. Be ayey bwaingg ve ret avongg nirau mie, mie ate ge nulgum kulkul vie etok nitangi ebe am tam givin ok.

¹⁵ Onesimus givang aikawe gikwai mie sawa sitingge etok, veik mie nunggas ei ninumul nilek vukuri be nivang nivin mie ninggas ta-ngge. ¹⁶ Be galkik etenik mie nuli ei weik amol kulkul ane sin-ge ti ite ma, ei ande gitangi gikwai. Dangetok be eitit tandi ei weik ebe and male ti ok be tand nivin ei ano-ngge. Bingano, ayey ate ik gali ei weik ebe angg male ti ok roro-ngge be tangg givin ei gitlek molge. Dangetok be mie nuli ei weik amolmol kulkul ane ti ebe yem-lu aim-gabu aplongg aim givin Pomate ok.

¹⁷ Dangetok be ginei mie guli ayey gunei am amol vie ti ebe gabu uvarkei dongke ve kulkul ane ok, okob nunggas Onesimus tis tam vevie-ngge nupil am nam nule, veik ebe ve nulgum nitangi ayey ok. ¹⁸ Be ginei ei gilgum be mie aplom tiate ve gen ti ane, me givwat gen ti nangge mie be ges gen etok ane den vunu ite, okob mie nutak ayey arengg nisov kapia ve gen ete ei givwat ok ane. ¹⁹ Ayey Pol baingg garo yaun etenik: Atob ayey nas gen ete ei givwat nangge mie ok, ane den vunu. Bingano, ayey gatpweng are ganei gen ti ebe ayey gavwat nangge mie ok ane den ete giengk nik nangge. Be gen etok, ete mie ate. Bemem ayey ganei yaun etenik ve gen etok ane ite ma.

²⁰ O angg nune, mie nulgum ayey be tangg-vevie siti ve Amol Bamo ane ma. Kilisi ane amol kulkul ane tutlu, dangetok be mie nulgum be ayey aplongg vie siti bekob.

²¹ Ayey gatpweng are dangetok ganei, atob mie nusov awangg yaun ane lu ge, beti garo kapia etenok gitangi mie gilek. Be ayey gali ganei atob mie nulgum gen vevies walang ano molge, nitlek gen ete ayey ganei ane yaun gisov kapia etenok ok. ²² Be gen ti vukuri dangeteik: Mie nupasang awangg nam aplo ti nangge mie ate am nam yapin ge, ve ayey gali ganei atob Pomate nilgum yem aim miengk ano nile be nemb ayey nanumul natangi yem nalek vukuri.

Pol ges ane yaun vunu

²³ Epafras, amol ebe eilu amei gabu ambweg kapual-lu ve Kilisi Yisu ane kulkul ane ok, ginei as mate gitangi mie. ²⁴ Awangg nune-nggen

ebe amei tepwe amb kulkul avin amei ate ok, Malaka gabu Aristakas be Dimas gabu Lukinei as mate gitangi mie givin weik etok ge.

²⁵Amol Bamo Yisu Kilisi ane yaun bwai-bwaya atob nilek niengk nivin yem tepwengge.